

CALENDARIO ACADÉMICO DO CURSO 2021-2022

(aprobado no C.G. do 12 de marzo de 2021)

- 1.- O curso académico comprenderá do **1 de setembro de 2021** ao **31 de agosto de 2022**.
- 2.- O calendario de actividades académicas é o marco temporal no que se desenvolve a planificación do conxunto das diversas actividades formativas, incluíndo as correspondentes probas de avaliación, nas titulacións que se imparten na Universidade.
- 3.- Seguindo o disposto polo RD 1125/2003, cada crédito ECTS supoñe 25 horas de traballo para un estudante dedicado a cursar a tempo completo estudos universitarios, durante un mínimo de 36 e un máximo de 40 semanas por curso académico.
- 4.- Consonte ao exposto, as semanas de actividade académica docente no curso 2021/2022 na Universidade de Vigo quedarán distribuídas en dous períodos equivalentes, do xeito indicado no cadro seguinte, e das que unha sexta parte reservárase para celebración das probas de avaliación final (situadas entre a data límite de entrega de actas do período correspondente e a do inmediato anterior) dedicándose o resto á actividade lectiva.

PERÍODO	INICIO	REMATE
PRIMEIRO	LUNS, 6 DE SETEMBRO DO 2021	VENRES, 28 DE XANEIRO DO 2022
SEGUNDO	LUNS, 31 DE XANEIRO DO 2022	VENRES, 10 DE XUÑO DO 2022

5.- Excepcionalmente, nas titulacións de Máster, previo acordo da respectiva comisión académica que deberá comunicarse á Secretaría Xeral, poderá adiarse o inicio da actividade académica docente lectiva, **sempre que se respecte o disposto no punto terceiro de presente calendario, sen prexuízo do indicado no punto sétimo e sen que as datas de apertura e de entrega de actas podan verse modificadas por este motivo**. Aos programas de doutoramento non se lles aplica o presente calendario e estarase ao establecido na súa propia convocatoria de matrícula.

6.- No mes de agosto non haberá actividade académica, que así mesmo quedará en suspenso nas seguintes datas, excluídas do cómputo sinalado no punto terceiro:

- Dende o luns, día 20 de decembro de 2021, ata o venres, día 7 de xaneiro de 2022 (ambos os dous incluídos).
- Dende o luns, día 11 de abril, ao venres día 15 de abril de 2022 (ambos os dous incluídos).

7.- O período comprendido entre o mércores, día 1 e o venres, día 3 de setembro de 2021 (ambos os dous inclusive) non computará aos efectos do disposto no punto terceiro, sen prexuízo de poder desenvolver no mesmo actividades académicas non lectivas. O mesmo sucederá co período comprendido entre o luns, día 13 de xuño, e o venres, día 29 de xullo de 2022 (ambos os dous inclusive), agás no caso dos másteres que comezaran máis aló do luns, día 20 de setembro de 2021, para os que si contará o dito período -en proporción ao retraso acumulado ao comezo- aos efectos de poder completar o cómputo establecido no punto terceiro.

8.- Terá carácter festivo o venres, día 28 de xaneiro de 2022, data de celebración do día de Santo Tomé de Aquino, patrón da Universidade, posuíndo o mesmo carácter os días das festas oficiais do Estado, da Comunidade Autónoma e, en cada Campus, os días das festas locais, así como a data que corresponda a cada centro para a celebración da súa festa propia, pasando a luns ou venres as que non coincidan neses dous días da semana, previa decisión da Xunta do Centro concernido. A docencia interromperase o luns, día 28 de febreiro, e o martes, día 1 de marzo de 2022 (Entroido)

Relación de festas propias dos centros da Universidade de Vigo	
ESCOLA DE ENXEÑARÍA AERONÁUTICA E DO ESPAZO	23/09/2021, xoves
ESCOLA DE ENXEÑARÍA DE TELECOMUNICACIÓN	29/09/2021, mércores
ESCOLA DE ENXEÑARÍA FORESTAL	04/10/2021, luns
FACULTADES DE BIOLOXÍA, CIENCIAS DO MAR, QUÍMICA E CIENCIAS	15/11/2021, luns
E.U. DE MAXISTERIO "MARÍA SEDES SAPIENTIAE"	27/11/2021, sábado
ESCOLA DE ENXEÑARÍA DE MINAS E ENERXÍA	04/12/2021, sábado
FACULTADES DE DEREITO E DE CIENCIAS XURÍDICAS E DO TRABALLO (DEREITO)	07/01/2022, venres
ESCOLA SUPERIOR DE ENXEÑARÍA INFORMÁTICA	25/02/2022, venres

ESCOLA DE ENXEÑARÍA INDUSTRIAL	19/03/2022, sábado
FACULTADES DE CIENCIAS ECONÓMICAS E EMPRESARIAIS, CIENCIAS EMPRESARIAIS E TURISMO E ESCOLA UNIVERSITARIA DE ESTUDOS EMPRESARIAIS.	05/04/2022, martes
FACULTADES DE HISTORIA, FILOLOXÍA E TRADUCIÓN, CIENCIAS DA EDUCACIÓN E CIENCIAS DA EDUCACIÓN E DO DEPORTE	26/04/2022, martes
FACULTADE DE CIENCIAS SOCIAIS E DA COMUNICACIÓN	29/04/2022, venres
FAC. CC. XURÍDICAS E DO TRABALLO (RELACIÓNS LABORAIS)	01/05/2022, domingo
FACULTADE DE BELAS ARTES	07/05/2022, sábado
ESCOLAS DE ENFERMERÍA	12/05/2022, xoves

9.- Os períodos de rexistro na aplicación informática das cualificacións nas actas e da súa respectiva entrega serán os seguintes**:

Período/Convocatoria	Inicio	Remate
PRIMEIRO	GRAO: VENRES, 10 DE DECEMBRO DO 2021	VENRES, 18 DE FEBREIRO DO 2022
	MASTER: VENRES, 17 DE DECEMBRO DO 2021	
SEGUNDO	VENRES, 8 DE ABRIL DO 2022	VENRES, 1 DE XULLO DE 2022
2ª OPORTUNIDADE	MARTES, 5 DE XULLO DE 2022	LUNS, 25 DE XULLO DE 2022
FIN DE CARREIRA	VENRES, 17 DE SETEMBRO DE 2021	VENRES, 12 DE NOVEMBRO DE 2021

10.- No caso dos TRABALLOS DE FIN DE GRAO e MÁSTER, as datas límite para entrega de actas serán**:

PRIMEIRO PERÍODO	VENRES, 4 DE MARZO DE 2022
SEGUNDO PERÍODO	VENRES, 8 DE XULLO DE 2022
SEGUNDA OPORTUNIDADE	VENRES, 16 DE SETEMBRO DE 2022
FIN DE CARREIRA	VENRES, 26 DE NOVEMBRO DE 2021

11.- Excepcionalmente, nos centros que, xustificadamente, desenvolvan prácticas externas curriculares no mes de agosto, previa comunicación ao Servizo de Estudos de Grao ou de Posgrao, segundo corresponda, a data límite de entrega de actas na segunda oportunidade poderá estenderse como máximo ata unha semana antes da indicada para o TFG ou o TFM, segundo o caso.

12.- Nas guías docentes deberá figurar a metodoloxía e o procedemento detallado para a avaliación das materias, debendo recollese nas mesmas a data así como, se procede, hora e lugar de realización das probas de avaliación. Tamén deberán especificar o medio empregado para a súa publicación oficial así como das modificacións que, xustificadamente, puideran producirse. Na fixación das datas relativas ás probas de avaliación da convocatoria extraordinaria de xullo, procurarase que vaian en primeiro lugar as materias correspondentes ao primeiro cuadrimestre.

13.- As probas de avaliación da convocatoria de “fin de carreira” poderán celebrarse dende o mércores, día 1 de setembro de 2021, debéndose acordar as datas concretas polos respectivos centros, respectando, en todo caso, o período de rexistro na aplicación informática das cualificacións nas actas e da súa entrega establecidas no apartado 9, sen posibilidade de suspender as actividades lectivas por esta razón.

** As datas de remate para entrega de actas poden ser adiantadas (nunca adiadas) polos centros, previo acordo da Xunta de centro ou comisión delegada competente, sen que tal decisión poida conlevar cambios nas datas de inicio para a súa apertura.